

ПОМЯННИК

который монаху или мирянину должно каждый день читать, со всяким сокрушением сердечным, по окончании келейного правила

О живых

Помяни, Господи Иисусе Христэ, Бóже наш, мило́сти и щедро́ты Твоя́, от ве́ка сущия, ихже ра́ди и вочеловечи́лся еси́, и распя́тие и сме́рть, спасе́ния ра́ди пра́во в Тя ве́рующих, претерпе́ти изво́лил еси́; и воскресе́ из ме́ртвых, возне́слся еси́ на Небеса́, и седи́ши одесну́ю Бо́га Отца́, и призира́еши на смире́нныя мо́льбы́ всем се́рдцем призыва́ющих Тя. Приклони́ у́хо Твое́, и услы́ши смире́нное моле́ние мене́, непотре́бнаго раба́ Твоего́, в воню́ благоуха́ния духо́внаго, Тебе́ за вся лю́ди Твоя́ принося́щаго. И в пе́рвых помяни́ Це́рковь Твою́ Святу́ю, Соборну́ю и Апосто́льскую, ю́же снабде́л еси́ честно́ю Твое́ю Кро́вию, и утверди́, и укрепи́, и расшири́, умно́жи, умири́, и непреодо́лимому а́довыми врата́ми во ве́ки сохрани́; раздира́ния Це́рквей утиши́, шата́ния язы́ческая угаси́, и ересей воста́ния ско́ро разори́ и искорени́, и в ничто́же си́лою Свята́го Твоего́ Ду́ха обрати́. *(Поклон.)*

Спаси́, Господи, и поми́луй богохрани́мую страну́ на́шу, вла́сти и во́инство ея́, да т́хое и безмо́льное жити́е поживе́м во вся́ком благоче́стии и чистоте́.

(Поклон.)

Спаси́, Господи, и поми́луй вели́каго господи́на и отца́ на́шего Святе́йшаго Патриа́рха Кири́лла, преосвяще́нныя митрополи́ты, архиепи́скопы и епи́скопы правосла́вныя, иере́и же и диа́коны, и весь при́чет це́рковный, я́же поста́вил еси́ пасти́ словесное́ Твое́ ста́до, и моли́твами их поми́луй и спаси́ мя грешнаго.

(Поклон.)

Спаси́, Господи, и поми́луй отца́ моего́ духо́внаго *(имя)*, и святы́ми его́ моли́твами прости́ моя́ согреше́ния.

(Поклон.)

Спаси́, Господи, и поми́луй роди́тели моя́ *(имена)*, бра́тию и сестры́, и сродни́ки моя́ по плóти, и вся бли́жня ро́да моего́, и дру́ги, и да́руй им ми́рная Твоя́ и преми́рная благо́я.

(Поклон.)

Спаси́, Господи, и поми́луй ста́рцы и ю́ныя, ни́щия и сироты́ и вдови́цы, и сущия́ в боле́зни и в печале́х, беда́х же и ско́рбех, обстоя́нних и плене́нних, темни́цах же и заточе́нних, изряднее же в гоне́нних, Тебе́ ра́ди и ве́ры правосла́вныя, от язы́к безбо́жных, от отсту́пник и от еретико́в, сущия́ раба́ Твоя́, и помяни́ я́, посети́, укрепи́, утэ́ши, и вско́ре си́лою Твое́ю осла́бу, свобо́ду и изба́ву им пода́ждь.

(Поклон.)

Спаси́, Го́споди, и поми́луй по́сланныя в слúжбу, путешество́ующия, отцы́ и бра́тию на́шу, и сестры́, и вся правосла́вныя христиа́ны.

(Поклон.)

Спаси́, Го́споди, и поми́луй ихже аз безúмием мо́им соблазних, и от пути́ спасительнаго отврати́х, к делóм злым и неподóбным приведóх; Божéственным Тво́им Прóмыслом к пути́ спасéния па́ки возврати́.

(Поклон.)

Спаси́, Го́споди, и поми́луй ненави́дящия и обидя́щия мя, и творя́щия ми напáсти, и не оста́ви их погíбнути менé ра́ди грéшнаго.

(Поклон.)

Отступив́шия от правосла́вныя véры, и погíбельными ересьми́ ослеплённыя, свéтом Тво́его познáния просвети́, и Святе́й Тво́ей Апóстольстей Собóрней Цéркви причти́.

(Поклон.)

О усопших

Помяни́, Го́споди, от жития́ сегó отшéдшия святéйшия патриáрхи, преосвящённыя митрополíты, архиепíскопы и епíскопы правосла́вныя, во иерей́стем же и причте цeркóвнем и ино́честем чíне Тебé послужив́шия, и в вéчных Тво́их селéниях со святы́ми упоко́й.

(Поклон.)

Помяни́, Го́споди, ду́ши усо́пших рабо́в Тво́их, [родите́лей мо́их], и всех срóдников по плóти; и прости́ их вся согрешéния вóльная и невóльная, да́руя им Цáрствие, и причáстие вéчных Тво́их благíх, и Твоея́ безконéчныя и блаже́нныя жízни наслаждéние.

(Поклон.)

Помяни́, Го́споди, и вся в наде́жди воскресéния и жízни вéчныя усо́пшия отцы́ и бра́тию на́шу, и сестры́, и zde лежа́щия и повсю́ду, правосла́вныя христиа́ны, и со святы́ми Тво́ими, иде́же присещáет свет лица́ Тво́его, всели́, и нас поми́луй, яко́ Благ и Человеколю́бец. Ами́нь.

(Поклон.)

Затем трижды:

Пода́ждь, Го́споди, оставлéние грехóв всем прéжде отшéдшим в véре и наде́жди воскресéния отцём, бра́тиям и сестра́м на́шим, и сотвори́ им вéчную па́мять.